

宋黃宣獻公周禮說

宋黃宣獻公周禮說卷三

後學

陳金鑑輯

陳宸燮訂

春官宗伯上

大宗伯之職掌建邦之天神人鬼地示之禮以佐王建保邦國

伯夷降典折民惟刑功配禹稷而其事始於事鬼神是則建保邦國誠有其本也紂謂祭無益犧牲粢盛既于凶盜祖伊以爲商亡之決如是也訂義

以吉禮事邦國之鬼神示吉禮居其首禮主敬敬莫著乎祭

以禋祀祀昊天上帝以實柴祀日月星辰以禋燎祀司  
中司命飊師雨師以血祭祭社稷五祀五嶽以貍沈祭

山林川澤以醢辜祭四方百物

案司中司命說五嶽通考誤作黃蕡今故馬氏

君子事其尊而遠者以意爲主事其卑而近者以物  
爲主以禋祀祀昊天上帝以我之意達之物之形氣  
不足與焉日月星辰飊師雨師有象者也山林川澤  
四方百物有形者也有象者以物之聲臭祀之有形  
者以物之形體祭之是則可矣昊天上帝其降而與  
物接也不見其形其升而與物辨也不見其象然則  
如之何致之無形也不可薦之以味無象也不可達  
之以氣先王之於天神以誠意動之以精意接之定

之以七日之戒齊之以三日之宿不御色不聽樂不  
飲酒不茹葷胝滌濯泣玉鬯省牲饌奉玉齎贊爵幣  
告時告備告純告潔以誠其意而已心齊以致其精  
意祭祀之齊以致其誠意先王所以使人誠其意者  
將以致精焉人之意粗則交於物精則交於神蓋其  
理也有無之間帝之神明在焉古之先王精意與帝  
感通夢帝賚予良弼蓋夫精神之接於帝也豈粗於  
意者所能及哉以恭致莊而後以默致靜而後思道  
以致其虛此其所以接於帝也精意以享其猶孝子  
之致其親歟祭之日入室僂然必有見乎其位周旋  
出戶肅然必有聞乎其容聲出而聽愾然必有聞乎

歎息之聲先王之事帝其亦猶此嗚呼鬼神之物非

它卽吾之誠是已

義疏集說

司中司命文昌第五第四星

未可信鄭又以爲中能上能則當時已有兩說矣又

曰風師箕雨師畢亦未可信箕好風畢好雨見於書

者如此卽以爲風師雨師恐未然也三代之禮散亡

久矣諸儒之說於經有據而理安者方可信出於讖

緯不經與凡臆度義起而於禮

當作理

不安者皆難信

文獻通考

鄭謂四瀆五嶽之匹非四瀆川祭四望則四瀆

在焉春秋傳曰觸石而出膚寸而合不崇朝而雨徧

天下者惟泰山乎其功用大故與社稷同其秩祭

訂義

以肆獻裸享先王以饋食享先王

先儒以肆爲肆解牲體獻爲獻醴肆獻裸謂灌而後  
薦腥薦熟差次薦獻之節固如此然典瑞裸圭有瓚  
以肆先王司尊彝鬱齊獻酌則肆獻皆用裸而爲名  
也若以爲裸而後肆獻故以爲名則義猶得通然小  
宗伯王崩大肆以柜鬯泚太祝大喪始崩以肆鬯泚  
尸不可亦爲肆解牲體矣是則肆獻專爲裸但不知  
其義爲何如也先儒又以肆獻饋食爲禘祫宗廟四  
時之祭其外有禘祫禘追遠祫合食宜爲廟祭之首  
然天子之禮亡今諸儒所言祭祀之節皆雜出經傳  
意類推次難遽信也宗廟之祭皆有牲體皆有黍稷  
而獨以肆獻爲祫饋食爲禘不知其義何以爲據

文獻

通考

以賓禮親邦國春見曰朝夏見曰宗秋見曰覲冬見曰  
遇時見曰會殷見曰同時聘曰問殷覲曰視

賓禮皆王之所以禮答諸侯朝覲宗遇會同諸侯修  
王事王皆以禮見之也殷有三義衆也正也盛也殷  
見殷覲義皆當爲正協時月正日同律度量衡考禮  
修德正刑故謂之殷同時聘存覲省也各以其時行  
之猶時會時巡五歲而徧義訂

大役之禮任衆也大封之禮合衆也

大役之禮如召誥命庶殷丕作是也大封之禮如康  
誥封康叔是也建牧立監所以糾合邦國

以嘉禮親萬民以飲食之禮親宗族兄弟以昏冠之禮親成男女以賓射之禮親故舊朋友

嘉禮所以教民相親也飲食昏冠自天子達於庶民射立賓主敵也是故謂之耦亦謂之朋孟子曰友也者友其德也不挾貴不挾長而友射亦有燕其樂章

小雅伐木是也

案嘉禮說並見曹氏庭棟昏禮通考

再命受服

自玄冕而上猶今服緋爲章服也

訂義

四命受器

四命王之下大夫食采於稍地始得祭其有功德者受地於小都是爲中大夫公之孤亦四命孟子曰惟



士無田則亦不祭未受地也

以天產作陰德以中禮防之以地產作陽德以和樂防之以禮樂合天地之化百物之產以事鬼神以諧萬民以致百物

動物天產也以作陰德能內養其精矣不以外作之禮而防之則類爲情所流嘗至於過植物地產也以作陽德能外養其形矣不以中出之樂而防之則類爲形所踐嘗至於不及然則天地之道百物之功未之至也有俟於先王焉先王之於兩間以道成能以仁守位者也肉雖多不使勝食氣則血氣之物不能致其滋味以亂天一之所生者非禮勿視以去其亂

色非禮勿動以去其淫志男女之別媒而後合幣而後見祭則受爵坐則異席此以禮合天之化動物之產而防之故其所作不爲淫邪以樂侑食動血脈通精神使人神清而聽聰心虛而氣和則尺寸之膚不能苟得安佚以昏其性焉堂有琴瑟車有鸞和樂章之節以趨以行玉佩之聲於左於右弦誦之聲舞蹈之容遣其集說滯思形脫翼見天性之眞樂耳目口鼻四支百體皆由順正此以樂合地之化植物之產而防之故其所作不爲倦怠夫樂由陽來者也以樂合天之化動物之產使陰德無淫邪與天地同節者也夫禮由陰作者也以禮合地之化植物之產使陽

月利言卷三  
德無倦怠與天地同和者也

集說刪翼

治其大禮詔相王之大禮

今郊祀宰相爲大禮使無職掌獨隨天子升降蓋宗

伯詔相之事也

訂義

若王不與祭祀則攝位

王有三年之喪百官總己以聽於冢宰至祭祀則宗

伯攝其意爲可知矣

王大封則先告后土

注疏說后土非也古人常以后土對皇天春秋傳曰

君履后土而戴皇天后土地也五行之神后土黎所

食者稱號同耳禹貢徐州貢土五色孔傳王者封五

色土爲社建諸侯則各割其方色土與之使立社周禮大封告后土謂將裂土而封之不曰社而曰后土社生物后土主土祈告因其事類而稱之五行之神后土四時分王與黃帝祭於南方建國非其事類故武成告于皇天后土孔傳曰告于天社是也大封宗伯告后土建邦國大祝告后土

小宗伯之職 辨廟祧之昭穆

太祖一祧二親廟四是爲七廟言先王先公之廟祧則廟與祧凡七后稷太祖不遷二祧文武親盡當遷而不遷親廟親盡則遷孔安國王肅以高祖之父高祖之祖爲二祧此據周公制禮之時必欲備七廟以

立天子之制其說是矣鄭康成以文武爲二祧此據  
文武親盡當遷而不遷遂以爲二祧其說亦是兩說  
進退爲七廟耳

其正室皆謂之門子掌其政令

諸子政官故掌役守之事宗伯禮官所掌宗法而已  
義疏

詔相祭祀之小禮凡大禮佐大宗伯

宗伯詔相大禮如卜日視滌濯涖玉鬯省牲鑊奉玉  
盞詔大號皆是其他則小禮如逆齋省鑊告時告備  
之屬訂義

若軍將有事則與祭有司將事于四望

春秋有事于太廟有事祭也軍將有事謂將以軍旅有事於鬼神也祭有司主祭禱者也與如字祭禱自有主者小宗伯與之偕軍事重將事于四望謂將其事以往也兩將字各義

縣衰冠之式于路門之外

喪服輕重宗法著焉故小宗伯掌之

肆師之職 立大祀用玉帛牲牷立次祀用牲幣立小祀用牲

山川社稷恐不當爲次祀典瑞璋邸射以祀山川有玉風雨功用博必非小祀亦有玉宗伯實柴橧燎血祭狸沈自以其類相從未必盡爲大小之等

禁外內命男女之衰不中瀆者

內命男王之宗族服兼親其衰恒有與諸臣異者

封于大神

卽宗伯大封告后土也

鬱人 凡裸事沃盥大喪之涓其其肆器及葬其其裸器

案肆因裸而爲名疑如今沃醑者本以沃神王崩則

以涓尸肆器蓋所以盛沃鬯非陳器盤之屬也

方氏案

苞周官析疑曰黃氏謂肆器以盛沃鬯蓋疑陳尸之器不宜使鬱人掌之

鬯人 凡裸事用概

鄭改裸爲埋狸沈祭山川之名此指言山川用蜃言

凡裸事則不獨祭也知賓客享適子冠凡用裸者皆

以概盛饗

訂義五禮通考

司尊彝 春祠夏禴裸用雞彝鳥彝皆有舟其朝踐用  
兩獻尊其再獻用兩象尊皆有罍諸臣之所昨案鄭注昨爲酢  
也秋嘗冬烝裸用斚彝黃彝皆有舟其朝獻用兩著尊  
其饋獻用兩壺尊皆有罍諸臣之所昨也凡四時之間  
祀追享朝享裸用虎彝蜚彝皆有舟其朝踐用兩大尊  
其再獻用兩山尊皆有罍諸臣之所昨也

先鄭推次朝踐朝獻饋獻再獻爲九酌王與后各四  
諸臣一義皆可觀存之以待作者又先鄭曰追享朝  
享禘祫也在四時之間故日間祀其說是趙伯循春



秋纂例曰大傳王者禘其祖之所自出而以其祖配之蓋帝王立始祖之廟猶謂未盡追遠之義故又推始祖所出之帝而追祀之以其祖配之者謂於始祖廟祭之而便以始祖配不兼羣廟之主爲其尊遠不敢褻也公羊傳曰大事禘也毀廟之主皆陳於太祖未毀廟之主皆升合食於太祖故謂之大事也然則禘追祭其所自出故爲追享禘羣主皆朝於太祖而合食故爲朝享記曰喪之朝也順死者之孝心也此朝之義後鄭亦曰追享追祭遷廟之主而曰有所請禱非常禮也又曰朝享月朔朝廟於義通然日月行之何以謂之間祀

文獻通考雞彝鳥彝

蜼彝亦畫蜼爲飾也虎彝則畫虎也

義訂

凡酒脩酌

案司尊彝掌器耳鬱鬯鬱人和而實之則五齊三酒之當沛者皆酒人共奉之司尊彝明其器用使世婦

掌之

義訂

司几筵掌五几五席之名物辨其用與其位

莞筵紛純加縹席畫純加次席黼純玉几之席蒲筵  
纁純加蒲席紛純彤几之席莞筵紛純加縹席畫純  
彤几之席熊席漆几之席葦席素几之席荏席黼純  
同於素几此五几五席之名物疏家謂葦荏不入數  
凡大朝覲大饗射

大朝覲時會殷同也司儀所謂將合諸侯爲壇者也  
大饗會同饗諸侯也掌客所謂王合諸侯而饗禮諸  
侯長十有再獻者也大射澤宮之射也

昨席莞筵紛純加緹席畫純筵國賓于牖前亦如之左  
彤几

特爲國賓設位於此先鄭曰禮記國賓老臣是卽掌  
客諸侯長歟後鄭曰諸侯來朝孤卿大夫來聘皆得  
用之不幾於無章乎

典瑞 王晉大圭執鎮圭緹藉五采五就以朝日

覲禮載朝日之禮蓋時會殷同王旣揖諸侯於壇乘  
龍路載大旂出拜日於東門之外反祀方明此所謂

大朝覲者也常歲春朝朝日諸侯有修歲事而朝者  
豈亦帥之而出歟國語大采朝日少采夕月蓋日朝

焉

文獻  
通考

瑑圭璋璧琮纁皆二采一就以覲聘

時聘殷覲皆用之聘公侯伯以瑑圭璋聘子男以瑑

璧琮

訂義  
嚴曰鄭

案鄭注大夫衆來曰覲寡來曰聘王東  
注以此爲諸侯遣使於天子黃氏以此

爲天子遣  
使於邦國

琬圭以治德以結好

凡諸侯之有其善德者天子遣人以琬圭旌表之及  
諸侯使其臣來聘亦執此以命事行人言時聘以結  
諸侯之好是也

琬圭以易行以除慝

易行其惡未著使遷善慝則其惡成矣除惡蠲其罪  
總論時聘無非結好使者執瑑圭璋璧琮以行禮又執琬圭褒賞有德亦執之殷覲無非除慝使者亦執瑑圭璋璧琮以行權又執琬圭焉戒敕過行亦如之是則聘覲禮同而事異故以宛炎著其義

凡玉器出則共奉之

出對藏不用藏之用則出之出則固當其奉之用畢則又受而藏之注謂王所好賜好賜出自玉府內府  
典瑞不與鄭說非也  
義疏

典命 凡諸侯之適子誓于天子攝其君則下其君之

禮一等

此其君有喪有疾不能朝而使其世子攝者先謂之

君禮也

訂義

司服 祭社稷五祀則希冕

宗伯序社稷五祀先於五嶽司服序四望山川先於社稷五祀祭之秩當如宗伯司服自以服爲序地祭以社稷見不別出則方丘不服大裘矣諸儒紛紛蓋

未嘗攷先王制祀之義

五禮通考

卿大夫之服自玄冕而下如孤之服其凶服加以大功小功士之服自皮弁而下如大夫之服其凶服亦如之大夫凶服有大功小功無總與喪服經傳不同或曰

喪服經傳孔氏禮也

義訂

世婦 凡王后有操事于婦人則詔相

王於諸臣有拜則王后於婦人亦有當拜者世婦詔相恐失其節

凡內事有達于外官者世婦掌之

世婦掌之蓋得糾正之也后事則授內小臣使達之  
冢人 凡有功者居前

諸侯居左右以前卿大夫居後有功者各居其前  
墓大夫 令國民族葬而掌其禁令

司徒本俗聯墳墓此獨國民耳

補遺

大宗伯之職以血祭祭社稷五祀

祭法七祀宗伯五祀司命泰厲非地類血祭者惟五

耳

五禮  
通考

宋黃宣獻公周禮說卷三上



宋黃宣獻公周禮說卷三

後學

陳金鑑 輯

陳徵變 訂

春官宗伯中

大司樂 以六律六同五聲八音六舞大合樂以致鬼神示以和邦國以諧萬民以安賓客以說遠人以作動物

滎河溫洛天地之中也而圖書出焉天之生數一三五積成陽奇則一函三而爲九乾元之用也地之生數二四積成陰偶則三去一而爲六坤元之用也是律呂三分損益之所從出也凡陰陽各六月而日至

期之日分布四氣各爲九十是故九六所以經緯律  
厯也六爲方而兩地故六律六同以相對爲列而其  
音謂之六英九爲圓而參天故韶以相繼爲義而其  
變謂之九成是故九韶六列六英樂之所必有者也  
黃帝始爲清角大合鬼神於泰山之上其地上圜丘  
之始乎雲門是也故圜鍾爲宮則黃鍾得冬至日之  
羽聲而生角六變而天神降矣鑄十二鍾以和五音  
以施英韶張諸洞庭之野其澤中方丘之始乎咸池  
是也故函鍾爲宮則大族得夏至日之徵聲而制商  
八變而地示出矣呂氏春秋所謂帝顓頊修之爲承  
雲之舞是也而漢服虔則謂姑洗南呂以南而歌南

風韶音在焉則咸池六英非始於堯而九磬亦非始於舜矣按大合樂者雲門咸池合於九磬大夏大濩合於大武觀諸歌奏可徵也大胥以六樂之會正舞位其必分干羽與六列與文王世子曰凡大合樂必遂養老月令季春之月律中姑洗是月之末擇吉日大合樂天子帥三公九卿諸侯大夫親往視之卽春合舞之謂也夫樂以降天神出地示假人鬼爲成非徒用之郊廟而亦用之燕饗焉此言大合樂乃言成均教國子習樂之事所謂以致鬼神示以和邦國云爾者非徒習之而已將以用之也如下文乃用之之實用樂之時胄子與俊選庶子郊人旣皆在列而諸

侯及絕域之君長奉贄獻而至者目睹盛儀舞蹈之容耳聽清歌雅頌之聲心欣至德又不獨獸舞鳳儀而巳也此邦國所以和萬民所以諧而賓客遠人所以安說也作動物卽下一變至五變而至介物是也

原釋

樂者天地之氣也與之者人也始也審聲以氣終也召氣以聲故雖鬼神可以人道接也今夫璫璣玉衡特一器耳天之體如彼其遠也而周旋盈握之規日月星辰莫不準焉而况兩間聲氣常相隨者乎是故圜鍾奏則房心之氣動而天帝明堂在是矣函鍾奏則未坤之氣動而天社地神在是矣黃鍾奏則虛危

之氣動而宗廟嶽瀆在是矣得其道則上變光而下  
變靈不得其道則溢溺作而失其中聲故曰人不能  
無樂樂不能無形形而不爲道不能無亂天地訢合  
陰陽相得煦嫗覆育萬物則樂之道歸焉耳大司樂  
聖人所以接三才之奧也所以大合樂者合天地於  
君心也雖然吾之心聲形焉三才備矣天以四氣中  
正而分陰分陽故倡自黃鍾而協黃鍾於清角所以  
動天也地以四維交際而迭用柔剛故和以大族而  
雜商羽於流徵所以察地也人道以宮商爲父子君  
臣合商於角以象仁義而始終乎宮焉所以知人也  
仰以動天俯以察地中以知人絃歌之道大矣哉

凡樂園鍾爲宮黃鍾爲角大簇爲徵姑洗爲羽鼗鼓鼗  
鼗孤竹之管雲和之琴瑟雲門之舞冬日至地上之  
園丘奏之若樂六變則天神皆降可得而禮矣

黃帝始爲清角大合鬼神於泰山之上鼓以琴瑟合  
以管籥大容乃制羽翟以舞之著之控揭以道其和  
其地上園丘之始乎雲門大卷是也象其功德如雲  
之有門出而不窮能類聚之也清角者黃鍾姑洗夷  
則相應而夷則用黃鍾清大呂中呂南呂相應而南  
呂用大呂清大簇蕤賓無射相應而無射用大簇清  
夾鍾林鍾應鍾相應而應鍾用夾鍾清十二律呂而  
益以肆清聲者使臣民不陵君聲也姑洗爲慢角三

中呂爲清角三倡和清濁參錯成和姑洗從宮六變而圜鍾爲宮則黃鍾得冬至日之羽聲以生角一陽初復知仁交際而萬化出焉羽調以角則姑洗以其羽大呂應南呂案二句闕本疑有脫字六變而黃鍾爲角角調以徵則姑洗之徵以其角夾鍾應姑洗之角夷則六變而大族爲徵徵調以羽則姑洗之羽以其羽無射應夷則之羽中呂六變而姑洗爲羽矣圜鍾生於房心之氣故圜鍾爲天宮而以黃鍾爲角大族爲徵姑洗爲羽三者陽律之相繼也黃鍾必繼之以大族而後爲父大族必繼之以姑洗而後爲父王者父事天而相繼者天之道故以是祀天神也

凡樂函鍾爲宮大族爲角姑洗爲徵南呂爲羽靈鼓靈鼗孫竹之管空桑之琴瑟咸池之舞夏日至于澤中之方丘奏之若樂八變則地示皆出可得而禮矣

黃帝命伶倫與榮援鑄十有二鍾以和五音以施英韶張諸洞庭之野奏之以人徵之以天行之以禮義建之以太清四時迭起萬物循生其中也變化不主故常其卒也五官皆備其澤中方丘之始乎咸池藹象帝德之暉無所不施如日之洗光天潢而出照也引商刻羽流徵以生故黃鍾之羽南呂大族應之則爲徵姑洗之羽大呂蕤賓應之則爲徵南呂之羽蕤賓應鍾應之則爲徵大呂之羽無射夾鍾應之則爲



徵此所謂變化不主故常者也凡角羽竝起而刻之則爲商徵故蕤賓從宮八變而函鍾爲宮則大簇得夏至之徵聲以制商一陰初始禮義交際而萬化入焉羽調以角則大簇之商姑洗以其羽大呂應南呂八變而大簇爲角角調以徵則姑洗之徵應鍾以其角夾鍾應夷則八變而姑洗爲徵徵調以羽則林鍾之羽以其徵應應鍾之羽夷則八變而南呂爲羽矣函鍾生於未坤之氣天社在東方與鬼之外地位乎坤故函鍾爲地宮而以大簇爲角姑洗爲徵南呂爲羽是三者律呂之相生也函鍾必生於大簇而後爲母南呂必生於姑洗而後爲母王者母事地而相

生者地之功故以是祭地示也

凡樂黃鍾爲宮大呂爲角大族爲徵應鍾爲羽路鼓路  
鼓陰竹之管龍門之琴瑟九德之歌九磬之舞于宗廟  
之中奏之若樂九變則人鬼可得而禮矣

唐堯修咸池爲大章虞舜紹堯致治修咸池承雲爲  
九德之歌九磬之舞故奏姑洗歌南呂而黃鍾大呂  
應之則羽角以相生大族應鍾應之則徵商以相制  
羽角相生則知仁交際而萬化出於人聲則呼動腎  
與肝自水而木天數也自冬至而發春是以謂之  
陽也黃鍾之羽一變姑洗爲中聲六變圓鍾九變歸  
於黃鍾之宮南呂之羽一變大呂以應南呂六變黃

鍾爲角八變大簇爲角九變而歸於南呂之角然姑洗角聲之始也自姑洗之羽與其羽無射一變中呂以應夷則六變姑洗爲羽九變復歸於姑洗之羽清角始於大呂亦九變歸於黃鍾之羽雖角也實亦羽也而黃鍾大呂收聲矣徵商相制則禮義交際而萬化入於人聲則吸動心與肺自火而金地數也自夏日至而成秋是故謂之陰也大簇之羽一變蕤賓爲中聲八變函鍾九變歸於函鍾之徵應鍾之羽一變夾鍾以應夷則六變大簇爲徵八變姑洗爲徵九變而歸於大簇之羽然函鍾徵聲之始也自函鍾之羽與其羽大呂一變夷則以應應鍾八變南呂爲羽九

變復歸於函鍾之羽流徵始於夾鍾亦九變歸於大族之羽雖羽也實亦徵也而大族應鍾收聲矣雲門倡咸池爲九磬之陽下管孤竹升歌雲和琴瑟黃鍾爲宮南呂爲羽咸池承雲爲九磬之陰下管孫竹升歌空桑琴瑟合之姑洗爲宮以其商奏蕤賓羽歌大呂角奏夷則徵歌應鍾變宮變徵大武之歌奏也變宮歌夾鍾變徵奏無射以舞大武之樂陰陽既合四序環周廣大清明情文俱備始乎黃鍾以生十一律而終返乎黃鍾之宮所謂宮動脾而和正聖者也季札謂如天地之無不覆載者信矣黃鍾生於虛危之氣虛危爲宗廟故黃鍾爲人宮而以大呂爲角大族爲徵應鍾爲羽是

三者律呂之相合也大呂與黃鍾子丑合也大蕤與  
應鍾寅亥合也相合者人之情故以是享人鬼也夫  
黃帝制聲律以垂萬世而器數從之帝降而王不相  
沿樂雖器數原有損益然孔子聞韶於齊季札亦聞  
韶於魯其考擊固非夔倫也而美善如是者聲均存  
也然則大合樂九變以致鬼神示其九韶之遺乎六  
律六同一時竝作歌奏相合分六樂而序之其六列  
六英之遺乎下管合於琴瑟以依磬聲則八音克諧  
可知矣固后夔之往矩也

韶諸侯以弓矢舞

舞所以飾敬也

訂義

樂師掌國學之政以教國子小舞

凡稱國子兼適庶也故王世子亦在文王世子曰春夏教干戈秋冬教羽籥帔羽皇旄千人等舞則爲小舞自其小時教之大司樂六舞則合之羽旄干戚備焉

教樂儀行以肆夏趨以采薺車亦如之

四支之於安佚人之情也樂徇其情惡勞其形不能非禮勿動而使乘安佚以蹈制翼之則無所不至矣而況於王乎天子視禮而動聽唱而應者也先王制禮視有旒聽有纘言有記動有佩堂上之行門外之趨爲之樂儀以防其肆使聽其聲而其意以誠使顧

其體而其氣以正周旋中規折旋中矩進揖退揚而後鏘鳴之佩左中角徵右中宮羽君民士

案說文物士事也

之意在其中焉非僻之心無自而入是故祭祀朝會師甸封建之時王在五路其步趨之節責大馭焉五路之上王安佚矣然而顧車之行而聞肆夏之聲則

由

訂義作猶下同

吾於堂中

訂義作下

顧車之趨而聞采薺之聲

則由吾於門外王之言動造次無非禮者樂師之所

教大馭之所馭與有力焉

集說

環拜以鍾鼓爲節

漢何武舉方正召見槃辟雅拜有司劾其虛僞服虔曰槃辟雅拜行禮之容拜也師古曰槃辟猶盤旋也

此儀至漢猶在

義訂

大胥掌學士之版以待致諸子春入學舍采合舞

學士之版凡學者皆著籍於此獨致諸子將台之於舞位不敢使適子與於此適子嘗學小舞何爲至合舞始別異之干戈羽籥不可以不學合舞則有什伍有長少將以其才爲之等適子雖非才猶不使庶子臨之况有王世子焉漢世取二千石關內侯子爲舞人皆適子不知其義釋采禮之至簡者皆不在多品貴其誠也其用有三每歲春合舞而行之月令云仲春命樂正習舞釋菜始入學則行之文王世子云旣興器用幣然後舍菜是也學記云大學始教皮弁祭



菜示敬道也訂樂師教舞帔羽干旄皇人未嘗合也

大胥春始入學合而教之五禮通考

大師以六律爲之音

聲成文謂之音不以六律音不可得而正也訂

大祭祀帥瞽登歌令奏擊拊

明堂位曰拊搏玉磬拊擊大琴大瑟中琴小瑟四代之樂器也是登歌則擊磬戛擊琴瑟戛擊搏拊皆擊義玉磬琴瑟皆有擊拊之名

下管播樂器

播以樂器播詩也樂器鼗祝敔塤簫管也

小師掌教鼓鼗祝敔塤簫管弦歌

鼓鼗皆敎眡瞭祝敵墳簫管弦歌皆敎瞽矇鼗亦敎瞽矇

下管擊應鼓

朔顰應鼓朔顰所謂輦也

凡小祭祀小樂事鼓輦

小祭祀不當擊雷鼓靈鼓則擊輦舞師不鼓四方旱暵之舞是也

瞽矇 諷誦詩世奠繫鼓琴瑟

諷誦其詩以其世定繫次其盛衰爲可如今詩之繫次瞽矇傳之也曹檜之詩失之矣 諷誦鼓琴瑟諷誦而鼓琴瑟卽書搏拊琴瑟以詠

眡瞭 擊頌磬笙磬

升歌則擊頌磬笙歌則擊笙磬

大喪廡樂器大旅亦如之

廡與陳義本同而廡則有感動悲戚之意陳則陳列之而已鄭康成廡皆爲興廡爲興訓則當爲興起之興所謂感動悲戚也鄭以爲興作或爲興造如大喪明器皆可言作大旅廡樂器乃以爲旅非常祭於時乃興造其樂器則何義邪大旅有災故而樂不作眡瞭祭祀正樂故廡之見憂戚之意笙師樂器惟笙用於祭非其盛者陳之而已

賓射皆奏其鍾鼓

鍾師凡射王奏騶虞諸侯奏貍首卿大夫奏采蘋士奏采芣馨歌眡瞭奏其鍾鼓

馨愷獻亦如之

愷獻有歌馨亦或有歌馨歌今警場有歌自大師至眡瞭其設職皆以升歌聯下管而射愷獻愷有歌故眡瞭通掌之獨不掌九夏謂之金奏鍾師專職

典同掌六律六同之和以辨天地四方陰陽之聲以爲樂器

先鄭陰律以銅爲管陽律以竹爲管後鄭皆以銅爲之案漢志云黃帝使伶倫取嶰谷之竹斷兩節間吹之以聽鳳之聲其雄鳴六爲律雌鳴六爲呂是則制

律之始本以竹一律有五聲清爲陽聲濁爲陰聲是

爲六十四調

案鄭氏康成曰或書同作銅

凡聲一聲硯正聲緩下聲肆陂聲散險聲斂達聲羸微聲鰭回聲衍侈聲笳弇聲鬱薄聲甄厚聲石

諸家之說皆臆耳案經典同本以律辨聲而爲樂器律十二故聲亦十二所謂高正下陂險達微回侈弇薄厚卽十二聲故爲樂器皆以此十二律爲之度數皆以此十二聲爲之齊量典同之下遂列磬鍾笙塤簫簫篴管皆樂器也今獨以爲此十二聲者由鍾形不中法故病其聲如此則典同樂器專爲鍾耳此以爲未敢盡然攷工記鍾人固曰已厚則石已薄則播

侈則柞弇則鬱然磬人亦曰已上則摩

關本及玉海皆依攷工作

摩惟方氏集注引作磨

其旁已下則摩其端已上豈非所謂聲

之高而甚焉者乎已下豈非聲之下而甚焉者乎十二律皆有五聲分清濁而宮爲正所謂中正以平之者然則高正下陂險達微回侈弇薄厚皆其律之中聲也硯緩肆散斂贏錯衍侂鬱甄石皆其聲之形容也不然則聲之病也不得專以鍾言之

此句訂義脫據方氏苞集

注其數度齊量非過則不及故皆病其聲而其故爲

可求故磬人曰摩其旁摩其端是也諸儒鍾說此又

以爲未必不然何也以爲盡然則於經誠未合要之

此等當有所受乃可傳信臆必疏

義訂

凡和樂亦如之

鄭謂調其故器非也其數度齊量皆合則聲可和  
磬師掌教擊磬擊編鍾

眡瞭掌擊頌磬笙磬故鄭謂磬師以教眡瞭然眡瞭  
所擊磬有定名頌磬笙磬之外他磬不擊縵樂燕樂  
亦有鍾磬眡瞭職不掌縵樂燕樂

教縵樂燕樂之鍾磬

房中之樂非也 磬師掌編鍾無編磬未詳磬師不  
掌鍾而曰教縵樂燕樂之鍾磬者磬從鍾也

鍾師掌金奏凡樂事以鍾鼓奏九夏王夏肆夏昭夏納  
夏章夏齊夏族夏祓夏騶夏

九夏書傳之可攷者周禮王出入奏王夏尸出入奏肆夏牲出入奏昭夏國語奏肆夏繁遏渠天子所以享元侯其餘諸儒附會之說未可信

笙師掌教歛竽笙塤簫簫簞簞管春牘應雅以教祓樂春牘應雅鄭曰春地以爲行節未敢以爲然經言以教祓樂祓節也春牘應雅以節樂也小師掌教塤簫管笙師又教歛塤簫管小師用於下管故以教瞽矇謂之播笙師用於凡樂謂之歛但歛之無詩也鄭謂教眡矇眡矇不歛笙竽教則當教瞽矇也案瞽矇眡矇皆屬大師自大司樂而下至眡矇皆祭祀饗射之樂而磬師鍾師笙師鐃師自爲一列固有祭饗之



樂又有縵樂燕樂縵樂司樂不掌固當是亦不掌燕  
樂先王之意嚴矣是故瞽矇不斂竽笙箛篪箎眡矇  
不奏九夏鍾鼓必皆有所以或曰磬師笙師分太師  
瞽矇眡矇而教之而不著於其職者不使殽雜大師  
歌詩之事恐或當是然燕樂亦有歌詩雜當掌之磬  
師笙師

凡祭祀饗射其其鍾笙之樂

書曰笙鏞以間蓋笙與歌間作歌則以鍾節之獨出  
祭祀饗射其他不出鍾笙鍾從笙也

大喪廞其樂器及葬奉而藏之

眡矇廞而不藏笙師藏之職可見

韎師下士二人府一人史一人舞者十有六人徒四十人

旄人下士四人舞者衆寡無數府二人史二人胥二人徒二十人

韎東夷之樂特置一官其徒四十人其樂亦盛也舞者十六人則有定員旄人蓋雜四夷之舞舞者衆寡無數或多或少皆可合四夷之舞與散樂而其徒二十人比韎爲微可知

凡祭祀賓客舞其燕樂

韎樂祭祀賓饗必舞之散樂夷樂祭祀賓客則舞其燕樂不用燕樂則不舞是則韎猶近雅歟

鞀鞀氏掌四夷之樂與其聲歌祭祀則歛而歌之

康成云樂主於舞鞀鞀舞履非也旄人掌教舞夷樂此樂者其樂也四夷各有歌其聲不同以聲歌之故曰聲歌鞀鞀夷樂器歟祭祀吹而歌之鄭謂以管籥爲之聲亦非必自有吹者

典庸器掌藏樂器庸器

鄭謂伐國所獲之器其說是而以爲崇鼎貫鼎非也司農以爲魯伐齊以所獲兵器鑄林鍾則比於樂矣庸器伐國所獲之樂器若盾之舞衣密須氏之鼓是也

司干

舞器干戚羽旄皆有而獨以干爲名干武王之舞器  
楚文夫人曰先君以是舞也習戎備也

宋黃宣獻公周禮說卷三

宋黃宣獻公周禮說卷三

後學

陳金鑑

輯

王之藩  
陳鳳飛

訂

春官宗伯下

大卜

三從二逆作內吉作外吉二從二逆作內吉作外凶  
人可違也卜筮不可違也筮可違也卜不可違也故  
乃心卿士庶民與筮之數或可逆至於龜則有從而

已集說

五曰果

果其事疑信卜其果不也訂義

以八命者贊三兆三易三夢之占

三兆三易三夢各有占者大卜總其事而贊之占有異同則決之

凡國大貞卜立君卜大封則眡高作龜

卜師凡卜事眡高揚火以作龜致其墨是則凡卜卜師作龜惟大貞則大卜作龜

大祭祀則眡高命龜凡小事泣卜國大遷大師則貞龜大祭祀命龜與凡小事泣卜皆大卜專職疏注差次泣卜以下皆未必然貞龜與大貞之貞一也大貞合三兆三易三夢而占之立君大封既卜又協之於易夢謂之大貞大封非正封疆正封疆何用大貞大封

在司馬爲軍禮詩頌有樂章賚是也先王不輕爲之  
國於天地與有立焉何敢輕哉遷國用事事雖不小  
貞龜而已詩曰宅是鎬京惟龜正之武王成之周公  
曰朕盻敢違卜

凡旅陳龜

水旱兵戎皆旅旅事不一故陳其龜隨事用之

凡喪事命龜

亦大卜專職

卜師掌開龜之四兆一曰方兆二曰功兆三曰義兆四  
曰弓兆

卜師揚火作龜開龜之四兆正謂灼龜其兆有四方

功義弓壘圻之象龜筮傳首足俯仰開跲蓋其餘法  
或曰注疏家謂卜用龜之腹骨骨近足者其部高春  
灼後左夏灼前左秋灼前右冬灼後右故謂之四兆  
然不知方功義弓其義當何如開占書疑若爲占人  
之職辨龜以上下左右陰陽鄭說非每龜皆有左右  
陰陽持龜必當順其體

龜人 攻龜用春時

物之精華春時皆發見於外

簪人掌三易以辨九簪之名

九簪占法也猶龜之四兆如鄭康成說則與大卜八  
命何異大卜以八命贊筮兆之占占人以八筮占八



頌國之占卜不出此八事者大卜通掌之矣筮人不  
應重出且其職曰掌三易以辨九筮之名則九筮出  
於三易其爲筮法無疑矣著法十有八變而成卦三  
變爲一爻三三九變爲內卦又九變爲外卦此所謂  
九筮但每變置名當有其義雖然亦不敢謂必如此  
凡國之大事先筮而後卜

以下筮協不以筮協卜

大祝下大夫二人上士四人

卜祝秩皆高

六曰筮祝

筮祝命龜筮之辭也鄭見金縢史乃筮祝爲禱疾之

事故以爲遠罪疾而不知金縢筮祝正爲命卜筮也  
文獻通考如隨季梁言曰今民餒而君逞欲祝史矯舉以  
祭是不稱其實也以是筮祝恐祝史不能正辭而奉  
牲奉盛奉酒醴之際或有媿於其神而祝之也義訂

掌六所以同鬼神示

皆非常事各有禮法悖禮亂法則不舉義訂

一曰祠二曰命三曰誥四曰會五曰禱六曰誅

祠用於祭祀所以交接鬼神者皆當有其辭武成曰  
敢昭告于皇天后土惟有道曾孫周王發將有大政  
于商商王受無道暴殄天物害虐烝民此亦爲祠蓋  
特祭非常祭也 古者大誥命發於廟臨之以鬼神

畢命王朝步自宗周至于豐以成周之衆命畢公保  
釐東郊命之于廟洛誥王在新邑烝祭歲王命作冊  
逸祝冊惟告周公其後誥之于廟史逸作冊寶祝冊  
史官兼祝官歟 鄭說會同是也盟非也大祝六辭  
無盟辭誓或有之詛祝作盟詛之載辭是則盟非先  
王所貴也春秋傳曰齊威公葵丘之盟載書五禁曰  
無曲防無遏糴無專殺大夫無以妾爲妻無有封而  
不告不歃血耳猶當有辭以告鬼神 凡此皆所以  
詔告鬼神可以通人情能使上下親疎遠近無所雍  
隔也詩曰惠于宗公神罔時恫斯之謂矣先鄭引盤  
庚誥其世臣卿大夫道其先祖之善功其意是也上

下親疎遠近間隔不通甚者則有盟詛盟詛亦有辭雖非先王所貴猶足以救衰世故使詛祝掌之然則大祝之職任可知

辨九擻一曰稽首二曰頓首三曰空首四曰振動五曰吉擻六曰凶擻七曰奇擻八曰褒擻九曰肅擻以享右祭祀

九擻專施於祭祀餘禮亦有拜不備九拜故大祝辨九拜以享右祭祀拜致敬也敬莫著乎祭九拜各有所施施不失節而後禮可觀爲能事鬼神大祝辨九拜致敬也振動在吉禮若今舞蹈也魏鑾曲踊三百其類歟凶禮振動擗踊

付

案鄭注  
付爲謝

練祥掌國事

似衍國字其孰非國事哉

小祝掌小祭祀將事侯禳禱祠之祝號以祈福祥順豐  
年逆時雨寧風旱彌裁兵遠舉疾

所謂祈順逆寧彌遠與大祝六祝相參錯但小祝所

掌皆小祭祀不爲辭掌其祝號而已

文獻  
通考

有寇戎之事則保郊祀于社

郊非有司所當祀也直保之祀社而已

訂  
義

詛祝 作盟詛之載辭

祝號非辭盟詛有辭載其所以盟之故而要結於鬼

神

司巫中士二人府一人史一人胥一人徒十人

卜祝巫史皆世官巫秩中士巫咸父王家大史下大夫大史司寇蘇公皆爲公卿先王取士可見

國有大烓則帥巫而造巫恒

鄭謂當按視所施爲直接視之非造也蓋事當從宜不必盡用故謂之造

凡喪事掌巫降之禮

其禮雖亡其意猶可知先王之於鬼神察矣故曰知幽明之故知死生之說又曰知鬼神之情狀

男巫掌望祀望衍授號

望祀四望之類是望衍小祭祀如四方百物之類是

衍之言多也夫既多矣不止

訂義作正

則爲點秦漢以來

淫祀何可數計

訂義作計數

鄭康成改爲延協於大卜之

衍祭其曰延而進之獨用幣義亦通

文獻通考

大史 凡邦國都鄙及萬民之有約劑者藏焉以貳六

官六官之所登若約劑亂則辟瀆不信者刑之

劑不獨券書詛祝質邦國之劑信凡有約者皆有劑

司約所謂大約劑小約劑是也小宰聽賣買以質劑

亦謂有劑可質觀文意似多一六官字

案連氏斗山周官精義引

作六官二字疑衍

邦國都鄙萬民約劑六官既登之又藏於

太史所以副貳六官辟之爲言正也大史掌邦瀆若

約劑紛亂抵冒不可攷則以瀆正之

訂義與之日瀆字殊

案王氏

案以爲約劑不  
如黃氏作邦彥

遺之日讀誄

瞽誄其德行故作諡史記其言動故讀誄

小喪賜諡

小喪王子弟之喪鄭謂卿大夫非也卿大夫賜諡讀  
誄小史掌之

凡射事飾中舍

音釋

筭執其禮事

射人與大史數射中射人主皮大史治體

小史 大祭祀讀禮瀆史以書敘昭穆之俎簋

大史之屬史八人史掌書以書敘昭穆之俎簋謂此  
史也小史主定繫世辨昭穆故并史事敘於此



馮相氏掌十有二歲十有二月十有二辰十日有二十入星之位辨其序事以會天位

堯典厯象日月星辰厯推其數象占其行大史掌厯馮相氏象之日月星辰皆動也雖有常度而不免或贏或縮其差常在豪釐眇忽之間積而漸遠故古人有厯則有象隨而正之歲星大約一歲歷一次十二歲而小周故以位定歲歲十二月日與月合於十二辰是爲朔相直爲望此月之位故以定十二月周天三百六十五度日行一度自甲至癸爲十日天運一日一周二十八星每月更迭昏旦中日日而差積十日爲一旬積三旬爲一月積十二月爲一歲此日之

周禮卷三  
位故以定十日大史正歲年以序事馮相氏於此平  
辨之以合於歲月日之位而知歷之精疏中否此其  
大臚也

冬夏致日春秋致月以辨四時之敘

夏至日景極長冬至日景極短春秋分平日景平則  
日亦平致言長短與平各致其數四時之氣定矣於  
是而置閏所謂以閏月定四時成歲也

保章氏

推步雖精星辰日月之動晷度從違吉凶之證著焉  
則又設官以觀占之名曰保章氏保安也章明也占  
天象以詔救政務在保安時變章明天意不爲恠誕

註幻

掌天星以志星辰日月之變動以觀天下之遷辨其吉凶

二十八星十二辰隨天左旋日月星辰右運天日月五星皆動物也觀諸天星而星辰日月之動爲可志矣堯典曰中宵中日永日短蓋以其星志之不曰天之動而曰星辰之動天之動不可見也不言五星日月五星爲七政從可知也星辰日月之動有疾徐贏縮循軌不循軌日月薄蝕五星陵犯皆於此乎占之天下之遷遷變也變則其占不可常梓慎論李曰夏數得天火作宋衛陳鄭當之占歲曰歲在星紀而淫

於元楊蛇乘龍宋鄭必饑禪竈曰歲棄其次而旅於  
明年之次以害鳥帑周楚惡之星孛大辰而占在宋  
衛陳鄭失次在星紀而占在宋鄭周楚是皆所謂遷  
也自注夏數得天蛇乘龍害鳥帑皆其占法注家雖  
附會其說然其所以用之者終不能知也歲失次  
梓慎禪竈其後崔浩占熒惑亦曰星亡必以庚辛秦  
之占亦異也是當入秦此猶得古人遺法循軌爲吉不循軌爲  
凶又有時變如當食不食當陵犯不陵犯爲吉暈珥  
眇匿員角失色皆非晷度之變爲凶

以星土辨九州之地所封封域皆有分星以觀妖祥  
日月五星其動者二十八星不動者二十八星各有  
所主後鄭言古數之存者十二次之分而已唐僧一

行分星度豈非堪輿遺學歟其盤亦甚日月五星占其動故言觀天下之遷二十八星占其不動故言九州之地皆有分星鄭云主用客星彗孛之氣爲象恐非彗孛五星之變則其動者常星自有變當占

以十有二歲之相觀天下之妖祥

先儒說歲星太歲爲祥獨不言相爲何義然觀天下之妖祥不獨以分土占之也星書言歲爲五星長君象其應在天下梓慎裨竈之占可見

以詔救政訪序事

序事卽大史序事星辰日月有變動則訪其事當行當止以承天意是爲救政

訂義以上

太極未判天地人三才函於其中謂之渾沌渾沌云者言天地人渾然而未分也太極旣判輕清者爲天重濁者爲地清濁渾者爲人輕清者氣也重濁者形也形氣合者人也故凡氣之發見於天者皆太極中自然之理運而爲日月分而爲五星列而爲二十八舍會而爲斗極莫不皆有常理與人道相應可以理而知也今畧舉其梗槩列之於下天體圓地體方圓者動方者靜天包地地依天天體周圍皆三百六十五度四分度之一徑一百二十一度四分度之三凡一度爲百分四分度之一卽百分中二十五分也四分度之三卽百分中七十五分也天左旋東出地上

西入地下動而不息一晝一夜行三百六十六度四分度之一自注緣日東行一度故天左旋三地體徑二十四度其厚半之勢傾東南其西北之高不過一度邵雍謂水火土石合而爲地今所謂徑二十四度者乃土石之體爾土石之外水接於天皆爲地體地之徑亦得一百二十一度四分度之三也兩極南北上下樞是也北高而南下自地上觀之北極出地上三十五度有餘南極入地下亦三十五度有餘兩極之中皆去九十一度三分度之一謂之赤道橫絡天腹以紀二十八宿相距之度大抵兩極正居南北之中是爲天心中氣存焉其動有常不疾不徐晝夜循

環斡旋天運自東而西分爲四時寒暑所以平陰陽  
所以和此後天之太極也先天之太極造天地於無  
形後天之太極運天地於有形三才妙用盡在是也  
日太陽之精主生養恩德人君之象也人君有道則  
日五色失道則日露其慝譴告人主而儆戒之如史  
志所載日有食之日中烏見日中黑子日色赤日無  
光或變爲孛星夜見中天光芒四溢之類是也日體  
徑一度半自西而東一日行一度一歲一周天所行  
之路謂之黃道與赤道相交半出赤道外半入赤道  
內冬至之日黃道出赤道外二十四度去北極最遠  
日出辰日入申故時寒晝短而夜長夏至之日黃道



入赤道內二十四度去北極最近日出寅日入戌故  
時暑晝長而夜短春分秋分黃道與赤道相交當兩  
極之中日出卯日入酉故時和而晝夜均焉月太陰  
之精主刑罰威權大臣之象大臣有德能盡輔相之  
道則月行常度或大臣擅權貴戚宦官用事則月露  
其慝而變異生焉如史志所載月有食之月掩五星  
五星入月月光晝見或變爲彗星陵犯紫宮侵埽列  
舍之類是也月體徑一度半一日行十三度百分度  
之三十七二十七度有餘一周天所行之路謂之白  
道與黃道相交半出黃道外半入黃道內出入不過  
六度如黃道出入赤道二十四度也陽精猶火陰精

猶水火則有光水則含影故月光生於日之所照魄

生於日之所不照當日則光明就日則光盡與日同

度謂合朔自注月行潛於下與日會也邇一邇三謂之弦自注四分天

謂初八日及二十三日月行近日一分謂之望自注

魄如弓張弦上弦昏見故光衡分天中謂之望自注

在西下弦旦見故光在東也光盡體伏謂之晦自注謂

五日之昏日入西月出東也光盡體伏謂之晦自注謂

東西相望日光滿而魄死也月行於白道與黃道正交之處在朔

則日食在望則月食日食者月體掩日光也月食者

月入暗虛不受日光也自注暗虛者日正對照處經星三垣二十

八舍中外官星是也計二百八十三官一千五百六

十五星其星不動三垣紫微太微天市垣也二十八

舍東方七宿角亢氐房心尾箕爲蒼龍之體北方七宿斗牛女虛危室壁爲靈龜之體西方七宿奎婁胃昂畢觜參爲白虎之體南方七宿井鬼柳星張翼軫爲朱雀之體中外官星在朝象官如三台諸侯九卿騎官羽林是也在野象物如雞狗狼魚龜鼈之類是也在人象事如離宮閣道華蓋五車之類是也其餘因義制名觀其名則可知其義矣經星皆守常位隨天運轉譬如百官萬民各守其職業而聽命於七政七政之行至其所居之次或有進退不常變異失序則災祥之應如影響然可占而知也緯星五行之精木曰歲星火曰熒惑土曰填星金曰太白水曰辰星

併日月而言謂之七政皆麗於天天行速七政行遲遲爲速所帶故與天俱東出西入也五星輔佐日月斡旋五氣如六官分職而治號令天下利害安危由斯而出至治之世人事有常則各守其常度而行其或君侵臣職臣專君權政令錯繆風教陵遲乖氣所感則變化多端非復常理如史志所載熒惑入於匏瓜一夕不見匏瓜在黃道北三十餘度或勾已而行光芒如五斗器太白忽犯狼星狼星在黃道南四十餘度或晝見經天與日爭明甚者變爲妖星歲星之精變爲欃槍熒惑之精變爲蚩尤之旗填星之精變爲天賊太白之精變爲天狗辰星之精變爲枉矢之

類如日之精變爲季月之精變爲彗政教失於此變  
異見於彼故爲政者尤謹候焉天漢四瀆之精也起  
於鶉火經西方之宿而過北方至於箕尾而入地下  
二十四氣本一氣也以一歲言之則一氣耳以四時  
言之則一氣分而爲四氣以十二月言之則一氣分  
而爲六氣故六陰六陽爲十二氣又於六陰六陽之  
中每一氣分其初終則又裂而爲二十四氣二十四  
氣之中每一氣有三應故又分而爲三候是爲七十  
二候原其本始實一氣耳自一而爲四自四而爲十  
二自十二而爲二十四自二十四而爲七十二皆一  
氣之節也十二辰乃十二月斗綱所指之地也斗綱

所指之辰卽一月元氣所在正月指寅二月指卯三月指辰四月指巳五月指午六月指未七月指申八月指酉九月指戌十月指亥十一月指子十二月指丑謂之月建天之元氣無形可見觀斗綱所建之辰卽可知矣斗有七星第一星曰魁第五星曰衡第七星曰杓此三星謂之斗綱假如建寅之月昏則杓指寅夜半衡指寅平旦魁指寅他月放此十二次乃日月所會之處凡日月一歲十二會故有十二次建子之月次名玄枵建丑之月次名星紀建寅之月次名析木建卯之月次名大火建辰之月次名壽星建巳之月次名鶉尾建午之月次名鶉火建未之月次名

鶉首建申之月次名實沈建酉之月次名大梁建戌  
之月次名降婁建亥之月次名陬訾十二分野卽辰  
次所臨之地也在天爲十二辰十二次在地爲十二  
國十二州凡日月之交食星辰之變異以所臨分野  
占之或吉或凶各有當之者矣

王氏應麟六經天文編

內史中大夫一人下大夫二人上士四人中士八人下  
士十有六人

內史掌八枋之法與冢宰同地愈親任命愈重故其爵  
秩高而置員廣皆先王精意自漢始以尚書總朝事  
其後離而爲中書又離而爲門下而朝廷日以卑非  
成周建官之意

義

掌敘事之瀆受納訪以詔王聽治

自內而出曰訪自外而入曰納龍之於舜仲山甫之於宣王蓋其職也今自內出者中書受之自外入者通進銀臺司受之職久分矣

凡四方之事書內史讀之

今門下書讀猶存古意四方事書卽外史所謂以書使于四方者王制其令內史讀之外史書之或曰四方事書無所不具命內史以讀之者蓋格物窮理之端參之朝夕事爲之際所謂王人求多聞時惟建事者

王制祿則贊爲之以方出之賞賜亦如之



制祿之方司祿受之賞賜之方職歲受之是皆考之  
八枋之法不可得而濫也

外史掌書外令

凡王命內史書而出之外史受而書行之今中書舍  
人書行蓋合而爲一內史畱底遂以爲國令之貳  
掌四方之志

爲有四方之事當攷故實也

掌三皇五帝之書

必掌皇帝書者凡王之命皆聯次於尚書也漢御史  
掌蘭臺秘書其遺意也

掌達書名于四方

周禮書卷三  
三  
皇帝書名在四方久矣何以達爲朝廷常有書周書  
自秦誓之後皆是至東遷猶有書四方未知朝廷制  
作之意故以其名達之

若以書使于四方則書其令

令猶今言制敕也書猶今言制書敕書也

御史中士八人下士十有六人其史百有二十人府四  
人

周官府史之數凡府一人而史必倍之此其例也惟  
秦官之府史則有不然者或府之人多於史之數而  
史之數或等於府之人大畧爲史者實簡焉此其故  
何哉意者先王禮樂之具固府藏之所當謹而禮樂

之妙非文史之所能載故文書調度之可及者殆非制作之深意法而不說之精微固有在彼而不在此也彼御史之史百有二十人而史又居於府之上者此變例也蓋所以掌贊書者有非一端

掌贊書凡數從政者

若今班簿歟御史掌之其事與宰夫八職相通

巾車下大夫二人

車旗之政有財賦有法度故尊其爵秩

王之喪車五乘木車蒲蔽犬禩尾纛疏飾小服皆疏

康成以尾纛以犬尾爲戈戟之弋小服刀劔短兵之服始遭喪所乘爲君之道尚微備姦臣未必然疏家

庫務疏卷三  
引禮喪事無等亦恐未盡此言王之喪車五等則非  
諸臣之制鄭自始遭喪至禫次五等恐當如此或曰  
喪車尾囊疏飾小服皆疏尾末也車之大木末皆布  
韜之以爲飾小木則皆布之

素車勢蔽犬襪素飾小服皆素

素車素飾不言尾囊因上文且言小服皆素則尾囊  
可知漢文帝遺詔無布車及兵器其制至漢猶在藻  
車以下不言小服則如常車施革驪車又漸漆矣

庶人乘役車

庶人府史也服公事者皆乘公車

毀折入齋于職幣

戒其不謹敬毀敗公家雖入齋而以其賜予不苟於財也

### 車僕

僕主也以僕名官以其主戎萃古主射之官名僕射掌戎路之萃廣車之萃闕車之萃萃車之萃輕車之萃萃副也有萃則有元典路掌之象路木路亦有副惟戎車則置官掌之蓋其施於戎事者不止一車獨曰路者尊王也廣闕屏輕其名不同其用亦異鄭康成雖出於意料然考其名義則或是是皆在中軍蓋兵家之握機不用則爲王之衛故楚有王族二廣晉有公行齊有二廣啟肱之名皆在中軍

凡師其革車各以其萃

車僕掌萃車其革車則典路之職萃則車僕其之五  
戎制度雖異皆革車也愚攷六鄉六軍不能備千乘  
車鄉軍出則以公車充之故車僕掌五戎之萃皆以  
副王爲名居中軍其卒皆鄉兵而乘之者皆官府州  
鄉之吏射人曰大師令有爵者乘王之倅車是也五  
戎之元典路掌之王所乘康成謂優尊者所乘其說  
是王雖以戎路卽戎及其在軍則無常乘也意密

司常 各有屬以待國事

司常掌其物名其旗各屬於其官府師都州里而藏  
之有國事則出而張之不待給歲時其其更旌而已

鄭謂屬徽識非王亦爲徽識乎

孤卿建旌大夫士建物師都建旗州里建旗縣鄙建旐道車載旒旐旐車載旌

孤四命卿六命言孤卿自中大夫以上皆建旌雜帛爲物必有以爲大夫士之別

總論司常國容司馬軍容軍容不免少有屈伸恐其遂以厭國容也故使司常贊司馬於其入也盡反其舊焉九旗以爵秩尊卑職守內外爲序謂之建常所建也師都六鄉六遂長官也大司徒遂人致民皆有旗鄉二千五百人爲師故謂之師遂自九夫爲井至四縣爲都井法成焉故遂謂之都五師萬二千五百人

爲軍不曰軍而曰師遂官皆下於鄉官一等鄭謂鄉  
遂大夫非也鄉遂大夫皆不與於軍師之事其職可  
攷鄉自州而登爲鄉故州里別見遂自縣而登爲遂  
故縣鄙別見道車象路旂車木路巾車象路建大赤  
以朝木路建大麾以田王行於道乘象路則載旌有  
所遊觀則載旌皆非其所常建也故謂之載凡此皆  
國容也

以上訂義

都宗人掌都宗祀之禮凡都祭祀致福于國

都家之邑有社稷焉物之所資以生者也有五祀焉  
人之所待以安者也有先君焉國之所因以立者也  
有名山大川之在其地者有因國之在其地而無主



後者都家之治以貴得民此族實陰相之者不可忘也先王爲之頒祀以馭其神爲之宗人以典其祀而或賜之禽焉王以不與其祭而重之也夫爲之頒祀以馭其神爲之宗人以典其祀則都家祭祀之禮唯王所議神之所享唯王所賜其福安得而不致哉而況子弟之親公卿大夫之密邇壽王以其福固其願也祭僕展而受之膳夫受而膳之示王享其所致而

已集說

凡以神仕者以冬至致天神人鬼以夏日至致地示物彪

是必有推候之法可睹之實至漢郊祀猶候神先下

周禮疏卷三  
天子望拜則司樂六變天神降八變地示出九變八  
鬼格非無其事訂義

總論春官典禮樂之職

右春官之屬凡七十自大宗伯至職喪爲一節自大  
司樂至司干爲一節自大卜至御史爲一節自巾車  
至凡以神仕者爲一節精義其胙理之聯絡固已詳言  
於前矣或曰先王於禮樂至矣然要其分職帥屬之  
意猶有斯民不與焉者何哉嘗觀諸教官之屬分爲  
鄉遂而鄉遂之民凡關於禮樂之事者莫不纖悉以  
及之則禮樂因民達之天下矣及夫見諸朝廷行諸  
郊社宗廟百官有司之奉承典章文物之藩飾固有

嚴之於上者而安上治民之功移風易俗之本則已  
潛孚默運於事物之表矣不然宗伯司樂何爲皆以  
諧萬民爲功而正月之吉特不垂象者豈非感化之  
妙在彼而不在此耶

訂義

宋黃宣獻公周禮說卷三下